

# *MOPATRIAKA ABRAHAM*

 Puku ya Genesi gape, tema ya 22, go thoma ka temana ya 15, gomme re letetše bjale go no bolela lebaka la dinakwana di se kae le go thoma tirelo. Genesi 22, go thoma ka temana ya 15.

*Gomme morongwa wa MORENA o biditše Abraham go tšwa legodimong lekga la bobedi,*

*Gomme o rile, Ka nnamong Ke enne, go rialo MORENA gobane o dirile selo se, gomme wa se gane ka morwa wa gago, morwa wa gago a nnoši:*

*Gore go šegofatšeng Ke tla go šegofatša gomme go atišeng Ke tla atiša peu ya gago boka dinaledi tša legodimong, gomme boka mašabašaba a a lego lebopong la lewatle; gomme peu ya gago e tla hula dikgoro tša lenaba la yona.*

*Gomme ditšhaba ka moka tša lefase di tla šegofatšwa ka peu ya gago; ka baka la gore o obametše segalontšu sa ka.*

<sup>2</sup> A tshepišo, ka lebaka la go obamela! Go obamela ke se Modimo a se nyakago. Go kile gwa thwe, “Go obamela go kaone go phala sehlabelo.” Go obamela Morena go kaone go phala sehlabelo seo o ka go se dira.

<sup>3</sup> Re lebane bjale le sehlogo se sebotse, bošegong bjo, *Mopatriaka Abraham*, yo a biditšwego “tate wa Tumelo,” ka lebaka la gore Modimo o mo diretše tshepišo go abelwa lefase, le Peu ya gagwe. Gomme ke ka Abraham rena, go hweng ka go Kriste, re bago Peu ya Abraham le bajabohwa le Yena go ya ka tshepišo.

<sup>4</sup> Bjale, Abraham o be a no ba monna wa mehleng, o be a se se sengwe sa go itlhaola. Modimo ga se a ke a mmitša, bokgole bjo re nago le pego, go fihlela a be a le bogolo bja mengwaga ye masomešupa tlhano. Mosadimogatša wa gagwe, a bego a le kgaetšediseripa wa gagwe, a le bogolo bja mengwaga ye masometshela tlhano nakong yeo, mohlomongwe ba phetše mmogo ge ba be ba sa le baswa. Gomme o be a le moopa, gomme a se ne bana. Modimo o biditše karogano moka, go ikaroganya yenamong go lefase ka moka, le go tloga go batho ba gabon bohole, le go tloga go moloko ohle wa gabon. Go be go le selo sa go ikgetha go yena go dira.

<sup>5</sup> Gomme ge Modimo a go letela go dira selo sa go ikgetha, O nyaka karogano moka go pelaelo e ka ba efe. O swanetše go tla go go obamela ka tlalo, go obamela se A se boleLAGO. Modimo o a e nyaka. O ka se kgone go e dira ka tsela ye nngwe. Gomme, bjale, ka mehla O bea mohlala, gomme wola e bile mohlala wa

Gagwe, wa karogano moka go tloga go lapa la gagwe, meloko ya gabo yohle, le go ya pele, go sepela bophelo bja go arogana go Modimo.

<sup>6</sup> Mengwaga e fetile, ga se gona se diregilego, eupša efela Abraham o swareletše. O be a sa nyefiše. “Ga se a ka a thetherega go ditshepišo tša Modimo ka gosedumele, eupša o tiile, a efa Modimo tumišo.”

<sup>7</sup> Ngwaga ka ngwaga, ge e eya, ga go pelaelo baswaswalatši ba bantsi ba tlie go yena gomme ba rile, “Abraham, tatago ditšhaba, o ne bana ba ba kae bjale?” Seo ga se se mo thetheregiše. Go se ngwana, gomme Sarah a fetile nako ya bophelo, ya go belega bana, nnete, kgolekgole le menophose, eupša Abraham o sa dumetše Modimo feela go swana. O dirile ditokišetšo bakeng sa lesea, gobane o tsebile gomme a hlohleletšegile go tlala gore Modimo a ka se dire tshepišo yeo A bego a se bogolo go lekanelo go e thekga.

<sup>8</sup> Peu ya gagwe e swanetše go nagana selo sa go swana. Go sa kgathale go bonagala go se be kgonthe gakaakang, go bonagala go se tlhagong gakaakang go monagano wa tlhago, efela Modimo a ka se dire tshepišo yeo A sego bogolo go lekanelo go e hlokomela. Re dumela selo sela sa go swana lehono. Peu ye nngwe le ye nngwe ya therešo ya Abraham e dumela selo sa go swana. Ga go kgathale e ka go diemo dife, ke tsebo ye ntši gakaakang re e kgobokeditšego, ke dilo tše dintši gakaakang di diregilego, go bonagala gakaakang go se be tlhago go monagano wa tlhago, e bošilo gakaakang, a ke re, go monagano wa tlhago, ga go dire nthathana ya phapano. Ge Modimo a boletše bjalo, yeo ke yona. Gomme Peu ya Abraham e dudišegile godimo ga O RIALO MORENA. Seo se a e rumu.

<sup>9</sup> Re hwetša, mo mengwageng ye masomepedi tlhano moragorago, ga go bana. Gomme Modimo o be a sa botega go boloka tshepišo ya Gagwe go Abraham, gobane Abraham o dumetše Modimo. Mošemane yo monnyane o tlie go lefelotiragalo, Isaka yo monnyane.

<sup>10</sup> Gona morago ga ge Isaka yo monnyane a tlie go lefelotiragalo, gona re hwetša gore Modimo o mo file moleko wa go menagana. O rile, “Ngwana yo...” Morago ga go beng bjale e ka ba bogolo bja mengwaga ye lekgolo le masometlhano, goba masomepedi, Abraham o be a le. O rile, “Ke nyaka o tšeeyo, morwa wa gago a nnoši, gomme o mo rotošetše thabeng yeo Ke tla go bontšhago, gomme moo o mo needle, mo thabeng, bakeng sa sehlabeled.” Ka mantšu a mangwe, a senye bohlatse bjo bongwe le bjo bongwe bjoo a bilego le bjona gore tshepišo e tla phethagatšwa. Seo ke go tloša dilo tšohle tša tlhago.

<sup>11</sup> Gomme Abraham o rile, “Ke mo amogetše boka motšwabahung. Gomme ke kgodišegile moka gore O kgona go mo tsoša go tšwa bahung.”

<sup>12</sup> Bao ke batho bjale Peu ya Abraham, gobane O re tsošitše go tšwa bahung. Re be re hwetše sebeng le dikarogong. Gomme Yena Yo a kgonago go fetola monagano wa ka, o fetola dikgopololo tša ka, go fetola tlhago ya ka, go mphetola gohlegohle, A ka dira bjalo ka ge A rata. E ka ba eng A e bolelago, ke a dumela ke Therešo, gomme Peu ye nngwe le ye nngwe ya Abraham e dumela selo sa go swana.

<sup>13</sup> Abraham, e se go se obamele Modimo, o tšere mošemane yo monnyane. Gomme mo mosong wo, o boditše bahlanka ba gagwe, “Le leta fa le dimoula. Gomme morwa le nna re tla ya mošola go rapela, gomme yena le nna re tla bowa.” Oo, o ya go e dira bjang? Ge a rotogela godimo ga thaba, go tšea bophelo bja morwa wa gagwe mong, efela o re, “Ngwana, mohlankana le nna re tla bowa.” O tsebile gore se sengwe se swanetše go diragala. Gomme ga se a tseba feela ka fao Modimo a bego a eya go e dira; yeo ga se potšišo ya gagwe. O a tseba gore Modimo o e tshepišitše.

<sup>14</sup> Seo ke sohle re tshwenyegago go tseba, Modimo o se tshepišitše! Go ya go ba bjang? Nka se go botše. Eupša Modimo o boletše bjalo! O tla romela Jesu Kriste, lekga la bobedi, O tla tla ka sebopego sa go swarega. O tla tleleima ba Gagwe Mong. Go tla ba mengwaga ye sekete, pušo ya mileniamo godimo ga lefase, le Yena, le balopollwa. Seo ke se A se tshepišitše, gomme re lebeletše go iri yeo go batamela.

<sup>15</sup> O tshepišitše go fodiša balwetši, go tsoša bahu, go lelekela bodiabolo ntle. O tshepišitše go e dira. O a swana maabane, lehono le go ya go ile. Bjang? Ga ke tsebe. O tshepišitše go e dira! Re a e dumela; seo se a e rumu. Ge motho a dumela Modimo, o dumela tšohle A di bolelago.

<sup>16</sup> Gomme yeo ke tsela Abraham a dumetše Modimo. Bjale o kgopetšwe go senya bohlatse bjo bongwe le bjo bongwe gore tshepišo ya Gagwe e tla hlokamelwa, eupša o be a kgodisitšwe gore Modimo a ka e dira.

<sup>17</sup> Bjale, e sego feela O mo file tshepišo ye kgolo ye, O e fa go Peu ya gagwe, le yona. Gomme gobane Abraham o be a botega, le go boloka le—le Lentšu la Modimo leo Modimo a mo tshepišitše, le go tseba gore Modimo a ka tsoša ngwana yo. Gomme ga se a kwele ngwana wa gagwe mong; eupša (Modimo) o be a le sekai sa Modimo a efa Morwa wa Gagwe, ka mneta; ge a be a rwele legong go rotoga thaba, le go ya pele; boka Kriste moragorago a rwele kota ya Gagwe Mong ya sehlabelo, go rotoga thaba, go ya moo A bapotšwego.

<sup>18</sup> Re lemoga gore ka go se, go direng se, go kgahlile Modimo gabotse kudu go bona gore Abraham o Mo ratile ka godimo ga se sengwe le se sengwe mo lefaseng, ebile le morwa wa gagwe mong. O Mo ratile ka godimo ga se e ka ba mang a ka se bolelago, e ka ba mang a ka se dirago, o sa ratile Modimo go lekanelo go dumela Lentšu la Gagwe.

<sup>19</sup> Peu yohle ya Abraham e dumela Modimo ka mokgwa woo. Ba dumela Modimo. Gomme re a tseba gore go kgahlide Modimo gabotse kudu gore sese se A se boletšego, “Peu ya gago e tla hula dikgoro tša lenaba la yona. Peu ya gago e tla hula dikgoro tša lenaba la yona.” Elelwang, yeo ke O RIALO MORENA. Peu ya Abraham e dumela seo. Ge o le Peu ya mmapale ya Abraham, tumelo yeo Abraham a bilego le yona go Modimo, e ka go wena. Gomme o a dumela, gore se Modimo a se boletšego, Modimo o boloka tshepišo ya Gagwe.

<sup>20</sup> Gomme O e boletše, bjale elelwang, O nno dira tshepišo ye go Abraham ka morago ga ge A mo file teko. Peu ya Abraham e swanetše go lekwa pele, go bona ge eba ka kgontha ba dumela Lentšu. Elelwang, tsela e nnoši yeo a ka bolokago tshepišo ya Modimo, gobane o dumetše tshepišo ya Modimo, gomme o lekilwe ge eba o a Le dumela goba aowa.

<sup>21</sup> Re tlišwa tekong yeo. Peu ya Abraham, lehono, e tlišwa tekong yeo. A re tla tšea Lentšu la Modimo, goba re tšea se motho a se boletšego ka Lona? A re tla tšea se mokgatlo tsoko o se dirilego bjalo ka thutotumelo, le go amogela seo, goba a re tšea se Modimo a se boletšego? Ge eba Lentšu la Modimo le a rereša, re dumela Lentšu la Modimo, go sa kgathale ka se se sengwe se lego. Re dira lentšu le lengwe le le lengwe la motho go ba maaka, gomme la Modimo go ba Therešo. Peu ya therešo ya Abraham! Eupša pele o eba Peu yeo ya therešo, o swanetše go ya go kgabola teko, boka Abraham a dirile, yenamong. Ga se A tshepiša feela go Abraham, eupša Peu ya gagwe e tla hula dikgoro tša manaba. Oo, nna!

<sup>22</sup> Nno nagana, mopatriaka o be a kgodištwe moka go yona, ka tekong ya gagwe ya tshepišo ya Lentšu la Modimo, le be le nepile. Go sa kgathalege ka se diemo di bego di le, o be a sa dumela Lentšu le a rereša. Abraham, mopatriaka yo mogolo, ga se nke a phapharege tumelong, ge a ile a tlišwa nakong yela ya teko. O dumetše gore Modimo o be a kgona go mo tsoša go tšwa bahung. O e dumetše, gobane Modimo o dirile tshepišo. Gomme ge Modimo a dirile tshepišo gore o be a tla ba “tatago ditšhaba,” gomme o dumetše gore go be go le bjalo. Ga se a tsebe go tla ba bjang. Ge lesea le etla, morago ga ge a tshepile, mengwaga ye masomepedi tlhano, morago o kgopetšwe go senya lesea, o be a sa tseba gore tshepišo ya Modimo e be e rereša, gomme o file morwa wa gagwe.

<sup>23</sup> Peu ya Gagwe, selo sa go swana! Tshepišo ya Modimo ke setswalelo, go bale ba lego Peu ya Abraham. Tshepišo ke setswalelo, hlatse ye e saennwego. Gomme ge re dumela Lentšu le lengwe le le lengwe le le tshepištšwego, gona re fiwa setswalelo, go tiišetša tshepišo ka sona. Le a bona, ge re—ge re, go beng Peu ya Abraham, re ya go kgabola teko ge eba re ya go dumela Beibele, goba aowa. Beibele ke Lentšu la Modimo, gobane Ke

Modimo. Gomme gona morago ga ge o ile go kgabola teko, go dumela.

<sup>24</sup> Ge ba bangwe ba bona ba re, “Matšatši a mehlolo a fetile.” Ge o amogela seo, seo se kghahlanong le Lentšu.

<sup>25</sup> Ge o re, “Ga o amogelete Moya wo Mokgethwa, lehono. Ga go selo se se bjalo. Ke feela baapostola ba lesomepedi ba O amogetše.”

<sup>26</sup> Lentšu le rile, Petro a Le rera ka Letšatši la Pentecost, o rile, “Sokologang, yo mongwe le yo mongwe wa lena, gomme le kolobetšwe Leineng la Jesu Kriste bakeng sa go tlošwa ga sebe, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa ren a tlago go ba bitša.”

<sup>27</sup> Seo e no ba tlwa se Le se rago. Ke, bjale ge o le komana go tsea teko, ya teko ya esiti ya Modimo, le go latela taelotirišo yeo, ke a go botša, o tla hwetša gore Modimo o boloka Lentšu la Gagwe, ge o ka Le dumela. Yeo ke nnene. Eupša o swanetše go ya go kgabola seo, gobane ke setswalelo; ge o ka Le amogela, gona o tla amogela tshepišo. Gobane, Ke taelotirišo ya Modimo, ka tsela ye re swanetšego go e dira, gomme yeo ke tsela re swanetšego go Le latela, feela se A se boletšego. Bjale e se go feela go ba bangwe, eupša “mang kapa mang,” mang kapa mang a dumelago, mang kapa mang a sokologago, mang kapa mang a dumelago. Ke go meloko yohle, go batho bohole, mang kapa mang a nyakago go Le dumela. Gomme tumelo go Lentšu la Modimo e go tliša go tshepišo ye. Gona, gomme gona feela, o ka ba le maatla go rua setswalelo sa tshepišo.

<sup>28</sup> Gomme tshepišo ye re e amogelago, setswalelo, ke kolobetšo ya Moya wo Mokgethwa. Yeo ke nnene. Gobane woo ke Modimo ka sebopego sa Moya, wena go beng Lentšu la Gagwe ka go wena, gona O a tsena. Ge o amogela Lentšu ka go wena, Moya wo Mokgethwa ke selo se nnoši seo se ka dirago Leo go phela, gomme gona o ne tshepišo ya go hula kgoro ye nngwe le ye nngwe ya lenaba yeo e lekago go go hlasela. Yeo ke nnene. Modimo o e tshepišitše, gomme go bjalo.

<sup>29</sup> Bjale, elelwang, o ka kgona feela go e dira nako yeo, gomme nako yeo e nnoši, morago ga go lekwa ka Lentšu.

<sup>30</sup> Abraham o lekilwe ka Lentšu. “A o tla dumela, Abraham, gore o tla ba le morwa?”

“Ee.”

<sup>31</sup> Morwa o a tla. “Bjale mo senye. A o sa le dumela, Abraham?”

<sup>32</sup> “Ke a le dumela, gobane O kgona go mo tsoša go tšwa bahung.”

<sup>33</sup> Gomme ka morago ga fao, O rile, “Bjale, Peu ya gago e tla hula kgoro ya lenaba la yona.” Amene! Morago ga ge teko e etla!

<sup>34</sup> A re hloleng go tše dingwe tša peu ya Abraham, ka go peu ya tlhago. E lego, rena lehono re ba Peu ya semoya. Eupša a re hwetšeng, ka peu ya tlhago, go ba bangwe ba bona bao ba dumetšego tshepišo ya go tlala ya Modimo, gomme ba se tsoge ba botš... [Ga go selo go theipi—Mor.]

<sup>35</sup> Ke rile, “Ga le, mosetsana wa Mokriste o nyakelang go bontšha sekhethe sa gagwe sa ka fase? Ga ke kgone go kwešiša seo.”

<sup>36</sup> O tswetšwe gape, ke Modimo, o ne bobotse bja Moya wo Mokgethwa go bontšha gore se o lego, o sona. O ne bokwala bjoo dikhethetše tše tša kgobogo di se nago. Yeo ke nnete. Mosadi wa kgontha wa Modimo, yoo a emago ntle ka bokwala, o ka no segwa, le go bitšwa wa fešene ya kgale; eupša o ne se sengwe seo ba ka se se kgomego, gomme šetše o se lobile gomme o ka se tsoge wa ba le sona gape. Yeo ke nnete. O ne bokwala. Ke seo Modimo a se lebeletšego, ke bokwala. Le a bona?

<sup>37</sup> Eupša selo sa mathomo, ge eba go ne potšišo ka kgopolong ya gago, o se ke wa e dira le gatee. O se tle mothalong wa thapelo ge eba go ne potšišo ka kgopolong ya gago. O se tle ntle le ge ka phethagalo o e dumela, ka go gatelela, ga go na lephoto ka kgopolong ya gago, le gatee, eupša se o yago go fodišwa, gona o tla tloga sefaleneng se motho yo a fodilego. Yeo ke nnete, ge go se ne potšišo ka kgopolong ya gago, le gatee. O swanetše go dumela Modimo, e sego go itiriša go dumela. Go dumela ka kgontha!

<sup>38</sup> Gomme Peu ya Abraham e a le dumela gobane Lentšu le boletše bjalo, gomme ke ka lebaka leo re e dumelago. E sego gobane yo mongwe o swaswaladitše, gobane yo mongwe gape o boletše bjalo. Gobane Modimo o boletše bjalo, seo se e dira Therešo. Ge Modimo a e bolela, seo se fetiša dipotšišo tšohle. Yena ke lentšu la mafelelo. Yena ke gomangkanna. Ge Modimo a bolela e ka ba eng, seo se a e ruma. Ga se gona gape se ka bolelago kgahlanong le Lona. “Lentšu le lengwe le le lengwe la motho e be maaka, gomme la Ka le be Therešo.”

<sup>39</sup> Bjale ge re hlola tše dingwe tša dipeu, a re naganeng. Re nagana ka bana ba Bahebere, ke ne fa, go naganeng ka bao, go bana ba Bahebere, morago ga ge ba lekilwe kgahlanong le go rapela seswantšho. Bjale, le a elelwa, kgoši o rile, “Mang le mang a ka se khunamelego seswantšho se, o tla lahlelwa leubeng la mollo.” Bjale, bana ba ba dumetše gore Lentšu la Modimo le be le nepile, gore ba se ke ba rapela mohuta e ka ba ofe wa seswantšho, eupša ge ba etla go makagaolakgang gomme ba lekilwe ge eba ba tla.

<sup>40</sup> Mola, bohole ka moka bana tlase fale ba amogetše le go ya go rapela, ba ile thwi ka go tsela ye kgoši a boletšego. Ba ile ka kgopololo ya botsebalegi ya letšatši, gore ba swanetše go e dira.

<sup>41</sup> Gomme ge ba lekilwe, ge eba ba tla rapela diswantšho le go roba Lentšu la Modimo, ba dutše go rereša go Lentšu. Go sa

kgathale ka ga diemo, ba dutše go rereša go Lentšu. Gomme ge ba ba lahletše ka leubeng la go mollo, tshepišo ya Modimo e ile ya phethagatšwa. Ba hutše dikgoro tša lenaba la bona. Gomme go be go le Monna wa bone a eme ka fale, ka sekgonyo go kgonyolla phišo go tloga mollong, gomme ga se e dire selo eupša go ba lokolla. Amene.

<sup>42</sup> Ge monna goba mosadi a le komana go tšea teko, teko ya esiti!

<sup>43</sup> Le a bona, ba be ba swanetše go ya mollong. Gomme gona ge ba dirile, ba be ba le ka mollong, gomme selo se nnoši se diregilego, teko ye ya go fiša feela e kgonyollotše, e tlošitše di—di ditlemo diatleng tša bona.

<sup>44</sup> Dinako tše ntši, Modimo o a re tlogela, ge re tlengwa gohle ke lefase, re tlemilwe, O tlogela diteko tša go fiša go tla go ren, moo re swanetšego go dira sephetho. Gomme ge re dira seo, selo se nnoši teko e ka go se dira, ge Peu ya kgontha ya Abraham e eme mo ma—ma magahlanatsela a sephetho, gomme a dira sephetho sa gagwe go hlankela Modimo, e kgaola feela ditlemo le go re lokolla. Sathane a ka no go fa bolwetši. A ka no go fa selo se tee, se sengwe. O tseba bjang ga se Modimo a go tlišitšego go magahlanatsela, go bona ke mohuta ofe wa se—se—se sephetho o tla se dirago?

<sup>45</sup> Ba hutše kgoro ya mollo. Mollo ga se o kgone go ba tšuma. Ebile go be go se leuto la mollo go bona, gobane ba tsebile ba be ba le Peu ya Abraham, gomme ba emetše Modimo le Lentšu la Gagwe. Ba hutše di—di dikgoro tša lenaba, gomme mollo ga se o kgone go ba tšuma, gobane ba hutše dikgoro.

<sup>46</sup> Moragorago, go bile le monna, moprofeta tlase fale, ka leina la Daniele. O tla . . . bile le teko ge eba o tla hlankela Modimo o tee wa therešo, goba aowa. Gomme ge etla go nako, ge eba o tla hlankela Modimo o tee wa therešo, goba go rapela modimo wa bohetene, o ganne go e dira; gomme o lahletše diširi godimo, gomme o rapetše Modimo wa gagwe, letšatši le lengwe le le lengwe. Gomme o tšerwe ka seo, ka kotlo ya melao ya federale, gomme o lahletšwe ka legolong la ditau. Sehlopa sa ditau tše di swerwego ke tlala di rorile ka morago ga gagwe. O dirile eng? O hutše kgoro ya lenaba la gagwe. Ditau ga se di kgone go mo ja. Modimo o rometše Pilara ya Mollo tlase, Morongwa yoo a emego magareng ga gagwe le tau.

<sup>47</sup> O hutše kgoro ya lenaba, gobane o lekilwe go bona ge eba o tla rapela Modimo o tee wa go rereša, goba a ba le tasene ya badimo ba bahetene bao a ba rapetšego. Kafao o emetše teko, gomme o hutše kgoro ya lenaba. Tau ebile ga se e kgone go mo kgwatha, gobane Modimo o be a ne yena. Tshepišo ya Modimo e dutše go rereša, gobane o be a le Peu ya therešo ya Abraham.

<sup>48</sup> Moshe, oo, yo mongwe yo mogolo. O ile a lekwa, le yena, go bona tshepišo yeo Modimo a mo fago. “Ke tla ba le wena

ge o theogela fale.” Gomme ge a eme pele ga baekiši ba mpho ya gagwe, Janese le Jamboro ba lekile go ema le go ekiša sona selo seo Moshe a laetšwego go se dira. Gomme Modimo o be a mmiditše, gomme o tsebile o be a le yena yoo a laetšwego go dira se, gomme o eme fale gomme o diragaditše mehlolo boka Modimo a mmoditše go o dira. Gomme šefa go eme baekiši, go dira selo sa go swana, eupša ga se e tshwenye Moshe. O eme go rereša go Lentšu la Modimo, gomme o hutše dikgoro, amene, tša lenaba, gobane o eme go rereša go tshepišo ya Modimo, ga go tshwenye ke mang a bego a leka go ekiša.

<sup>49</sup> A thuto yeo e lego go Mokriste yo mongwe le yo mongwe! Ge o lebelela tikologong gomme o bona moikaketši, o no elelwā o leka go ekiša selo sa mmapale. Eupša, seo feels se ra gore go ne yo mongwe a lego wa mmapale. Ema go rereša go Lentšu la Modimo! Ga go kgathale ke eng e tlago goba e sepelago, boloka tshepišo ya Gagwe. Ee, Daniele o dutše go rereša go Lentšu la Modimo.

<sup>50</sup> Ga go kgathale ke ba bantši gakaakang ba lekilego go mo ekiša, le se sengwe le se sengwe gape, o eme go rereša. Gomme o tlela morero, go ntšha Israele ka Egepeta, le go ba iša ka nageng ya tshepišo. Gomme ge go etla nako go bona go ya ka nageng ya tshepišo, go tšwa Egepeta, Lewatle la go Hwa šelela le eme tseleng. Gomme o hutše dikgoro tša meetse, gomme dikgoro di bulegile go felela. Gomme me—me meetse a wetše morago, gomme Moshe o išitše Israele ka lešokeng, go thaba moo Modimo a mo romilego go ba tliša. Amene. O hutše dikgoro tša lenaba.

<sup>51</sup> Tatagwe, Abraham, o bile le tshepišo yela, gore Peu ya gagwe ya therešo e tla hula kgoro ya lenaba. Gomme dikgoro tša meetse di be di tswaletšwe, gomme ga se a kgona go feta, gomme yeo e be e le tsela ya mošomong. O be a swanetše go tliša bana bale thabeng yela. Modimo o be a mmoditše go. Gomme kgoro šele e eme, gomme o hutše kgoro ya lenaba.

<sup>52</sup> Joshua, moragorago gannyane, ge ba etla Kadesē-barnea, e bego e le setulo sa kahlolo sa lefase nakong yela, moo Israele e kopane le kahlolo ya yona. Re hwetša Joshua le Kalebe, le ba bangwe ba lesomepedi... goba—goba lesome ba bangwe. O tee go tšwa go moloko wo mongwe le wo mongwe o rometšwe godimo go hlola naga ba bego ba le komana go e amogela.

<sup>53</sup> Gomme ge ba bone ditšitširipa tšela tše kgolo di eme fale, ba lesome ba bona ba ikwetše gampe, ba rile, “Re ka se kgone go e tše. Ke ye kgolo kudu. Gobaneng, lebelelang thulano re nago le yona.” Eupša ge ba bowa morago go fa pego, ba tlišitše pego ye mpe.

<sup>54</sup> Gobaneng ba ka tliša pego ye mpe, ge Modimo a ba boditše, “Ke le fa naga yela; ke ya lena”? O ba boditše tlase ka Egepeta. “Ke le file naga ye. Ke naga ye botse. E ela maswi le todī.”

<sup>55</sup> Eupša ge ba bone thulano ye kgolo bjalo, ba lesome ba bona ba bowa morago gomme ba rile, “Re ka se kgone go e dira.”

<sup>56</sup> Go bile Joshua, o homoditše batho, gomme o rile, “Re feta go kgona kudu go e thopa. Re feta go kgona kudu!” Ka lebaka la gobaneng? O be a lebeletše tshepišo. O be a le Peu ya therešo ya Abraham. Go sa kgathalege se thulano e bego e le, “Re ka hula kgoro, gobane Modimo o tshepišiše naga.” Gomme o hutše kgoro.

<sup>57</sup> Moragorago, ge a tlišitše bana ba Israele mo nokeng. Ba eme, mo kgwedding ya Aporele, noka ye kgolo, e phophoma. Jorodane e theoga go tšwa dithabeng, gomme e be e phatlaletše go kgabaganya melala. Go bonagetše eke nako ye mpempe, mo ngwageng, yeo a ka bago fale. Eupša, efela, o be a le Peu ya Abraham. O tsebile o be a ne tshepišo, gomme o be a le mothalong wa mošomo. Modimo o mo fa pono, a e dire bjang, gomme o hutše dikgoro tša noka. Ge dikgoro di bulega, meetse a gometše thwi godimo ka dithabeng. Gomme Joshua le Israele ba hutše dikgoro tša lenaba, gomme ba tsheletše ka nageng ya tshepišo, gobane Modimo o ba boditše go e dira. Peu ya therešo ya Abraham!

<sup>58</sup> Banešu le dikgaetšedi, ge re fihlile godimo fale, Jeriko e be e le leboto gohle, botelele go lekanelo gore ba kgonne go kitimiša dikoloi tše tharo ka godimo. Ba Israele ba ba e kgonne bjang ka tša go adingwa, ditšhoša tše di topilwego, le se sengwe le se sengwe, le dikota le matlapa, ba be ba eya go ya ka fale bjang? Eupša o be a sa le Peu ya Abraham. Modimo o mo fa pono, o mmoditše a e dire bjang, o rile, “Letša phalafala.” Amene. Yeo ke yona. “Ntšha lešata, matšhetšang godimo go ya lebotong, dikgoro di tla wa pele ga gago.” Amene! O be a le Peu ya bogoši ya Abraham. O be a le modumedi wa kgonthe wa Modimo. “Dikgoro di tla sihlama pele ga gago. Nno ntšha lešata, le go letša phalafala. Seo ke sohle o swanetšego go se dira.” Gomme go diregile eng? Dikgoro di buragane, gomme Joshua o thopile toropokgolo.

<sup>59</sup> Moragorago ga nnyane, re hwetša gore lenaba le be le rakeletše le go ya pele, ka morago ga fao, gomme ebile O emišitše letšatši ditherekeng tša lona. Boka ke boletše mosong wo mongwe, go *Kgakgamatšo*, O emišitše letšatši go fihlela a hutše dikgoro tša lenaba la gagwe. Amene. O tsebile ge lenaba lela le ka tsoge la tla mmogo, ba be ba phatlaletše, gomme letšatši le be le dikela, gomme Baamoro, le Baamaleke, le go ya pele, ba be ba phatlaletše go kgabola. Ge ba ka tsoge ba tla mmogo gape, le go tla mmogo, gona o tla ba le nako ye boima go tsoge a ba gagarile gape. Gomme go be go ne selo se nnoši seo se bego se swere, seo e be e le nako. Gomme O emišitše nako. Amene! Amene! Go ne selo se tee se mo thibetšego go tshepišo, seo e be e le letšatši, tlhago yonamong e selaganya, gomme O emišitše tlhago. Gobaneng? O be a le Peu ya Abraham. O dumetše

tshepišo ya Modimo. O mo emišitše, gomme o hutše dikgoro. Ee, mohlomphegi.

<sup>60</sup> Monna ba bagolo ba, bohole ba bona ke monna ba bagolo. Eupša le a tseba ge bona, yo mongwe le yo mongwe wa bona, ge ba etla go kgoro ya lehu, bohole ba hwile. Yo mongwe le yo mongwe wa bona o ile a swanelo go hwa. Gobane ba be ba le monna yo mogolo, “Ba emišitše me—me melomo ya ditau, ba phonyokgile mollo, le ntlha ya tšoša,” le go ya pele, boka re botšwa ka go Bahebere 11. Gomme ba hutše dikgoro tša lenaba, bohole eupša lenaba le tee, gomme leo e be e le lehu. Lehu le meditše yo mongwe le yo mongwe wa bona.

<sup>61</sup> Gona letšatši le lengwe, gwa tla Peu ya Bogoši ya Abraham, Jesu Kriste, Morwa wa Modimo; Peu ya Abraham, ka tumelo. E sego ka Isaka, peu ya tlhago; ba dirile karolo ya bona. Eupša fa go tla Yena Yo a sa tswalwago ka tlhago. Fa go tla Yena yoo a sa nkago a tla ka kganyogo ya thobalano. Fa go tla Yena ka tswalo ya kgarebe. Morwa wa Modimo, Peu ya Abraham, a Monna yo mogolo a bego a le! Ba bangwe ba ditlhago bohole ba tswetšwe ka ditswalo tša tlhago. Monna yo o tswetšwe ka tswalo ya kgarebe. O dirile eng ge A etla lefaseng? O fentše lenaba le lengwe le le lengwe Sathane a bilego le lona. O fentše se sengwe le se sengwe.

<sup>62</sup> O dirile eng? O ile ntle gomme o fentše bolwetši. Go be go ka se be bolwetši tikologong ya Gagwe; e ka ba kae bolwetši bo bego bo le, O bo fentše. O dirile eng morago ga ge A le fentše? O re fa dikgonyo, amene, a re, “E ka ba eng le e bofago mo lefaseng, Ke tla e bofa ka Legodimong.” Oo! Amene! Yoo ke Peu ya Bogoši ya Abraham, tshepišo ya Gagwe. Moya wo Mokgethwa ka go rena bjale, ka dikgonyo, o e swere go bolwetši. O fentše bolwetši. Bolwetši bo ka se eme ka Bogoneng bja Gagwe. Gomme O boletše gore O re file dikgonyo go dira selo sa go swana, go fenyia bolwetši. “E ka ba eng le e bofago mo lefaseng, Ke tla e bofa ka Legodimong.”

<sup>63</sup> Gape, moleko, O lekilwe ka mokgwa wo mongwe le wo mongwe boka re bile. O dirile eng? O o fentše. Gomme O rileng go rena? “Ganang diabolo, gomme o tla tšhaba go lena.” O re fenyeditše bolwetši. O re fenyeditše moleko, o robagantsše dikgoro; o tšere sekgonyo go tloga go moleki, gomme a se neela go modumedi, wa Peu ya Abraham, gomme o rile, “Ge a go leka, mo gane, gomme o tla tšhaba go wena.” Oo, nna! Mo game!

<sup>64</sup> O fentše bobedi lehu le hele. O tsogile letšatšing la boraro, a re, “Ke fentše. Gomme ka gobane Ke a phela, le a phela le lena.” Oo, a tshepišo! Yeo ke go Peu ya Abraham. O fentše lebitla, a tsoga ka letšatši la boraro, bakeng sa tokafalo ya rena. Ge A tsogile, O be a le tokafalo ya rena. Seo se re dira eng? O fentše bolwetši. O fentše lehu. O fentše hele. O fentše lebitla. O fentše moleko. Oo!

<sup>65</sup> “Bjale re feta le bafenyi ka Yena yoo a re ratilego, gomme a fa bophelo bja Gagwe bakeng sa,” go beng Peu ya Bogoši ya Abraham. Ka Moya wa go swana wa Modimo ka go rena, woo o bego o le ka go Ŷena, re feta le bafenyi. Kgoro ye nngwe le ye nngwe re e fenyeditšwe. Selo se nnoši se lego re swanetše go e hula. E šetše e fentšwe. Bolwetsi bo fentšwe. Lehu le fentšwe. Hele e fentšwe. Lebitla le fentšwe. Se sengwe le se sengwe se fentšwe, gomme re swara dikgonyo, ka mogau wa Gagwe. A o boifa go di swametša ka senotlelong, gomme wa re, “Ke tla Leineng la Jesu Kriste”? “Kgopelang Tate e ka ba eng Leineng la Ka.” Ke a Mo rata.

<sup>66</sup> Morago ga ge mengwaga ye dikete tše pedi e fetile, mengwaga ye dikete tše pedi, gomme lebjale šo O magareng ga rena, Mofenyi yo maatla yoo a kgeitšego lešira ka bobedi, yoo a tšerego bolwetsi bjo bongwe le bjo bongwe, mpshekela wo mongwe le wo mongwe, se sengwe le se sengwe godimo ga Gagwemong, gomme o rwele mabofokodi a rena go ya sefapanong, le malwetsi a rena le mefsikela ya rena, gomme o fentše godimo ga ona, gomme o tsogile bakeng sa tokafalo ya rena, gomme a ema go phela ka morago ga mengwaga ye dikete tše pedi, go bonagatša Yenamong bjalo ka Jesu Kriste yo a phelago, magareng ga Peu ya bogoši ya Abraham ba ba lego bajabohwa ba tšohle. Oo, nna! Bale ba ka morago, ba ya go kgabola teko, tshepišo ya Lentšu! Ge o ka dumela Lentšu, gona le wena o Peu ya Abraham. Ke ka fao o tlago go Yona.

<sup>67</sup> Ge o ka se kgone go tšea teko yela ya Lentšu, gona ge o Le belaela, go tsagatsaga gannyane ka Lona, go boima go Le dumela, go ne sengwe goba se sengwe, ga o kgone go Le dumela, gona o se ke wa tla ka mothalong wa thapelo. Ebile nka se šiname tikologong ya aletara, go fihlela o kgona go hwetša mogau go lekanelo go tseba gore Lentšu la Modimo le a rereša.

<sup>68</sup> Gomme ge gatee o ka phuleletša seširo sela sa gosedumele, gona o ne dikgonyo ka seatleng sa gago, tša lehu, hele, le lebitla, gobane o ne Mofenyi Yo a re fenyeditšego. Gona o ne Bahebere 13:8, yeo e re botšago, “Jesu Kriste o a swana mabaane, lehono le go ya go ile.” Re ka e dira bjang?

<sup>69</sup> Batho lehono ba re, “Oo, gabotse, ke tla go botša, O ka tse—tse tsela ye e rilego, O bjalo.”

“O a swana,” Beibele e boletše.

“O, gabotse, ga A dire lehono boka A dirile.”

<sup>70</sup> Re a e hwetša gonabjale, ge re bona Lentšu la Gagwe le hlatseditšwe. E dira eng? E Le bušetša thwi morago ka diropeng tša bona gape. Amene.

<sup>71</sup> Peu ya kgonthe ya Abraham e a Le dumela. Ba a Le tseba. Gomme O a ema, bošegong bjo, boka A kopane le Abraham godimo fale mo matšatšing a Loto gomme o dirile mohlolo, boka A dirile ka go botša Sarah se a se boletšego ka morago ga Gagwe.

Jesu o tshepišitše, Peu ya Bogoši ya Abraham, gore Kereke e tla bona selo sela sa go swana feela pele ga go Tla ga Gagwe. Ke eng? E swanetše go direga. Modimo o e tshepišitše. Jesu Kriste o e tiišeditše ge a rile e tla ba bjalo, gomme ke rena ba lehono, ka morago ga mengwaga ye dikete tše pedi, re Mmona magareng ga rena, a sa le Mofenyi yo maatla! O fentše lehu, hele, lebitla, tumelokhwele yohle; o tshere Lentšu . . . ? . . . yena. Ee.

<sup>72</sup> O rile, “Ge le dula ka go Nna, gomme Mantšu a Ka ka go lena, kgopelang se le se ratago gomme le tla se fiwa.” E be e le eng? Lentšu, Kriste, Yoo a lego ka pelong ya gago. “Ge le dula ka go Nna, Mantšu a Ka ka go lena, gona le fentše se sengwe le se sengwe gobane Ke le fenyeditše sona. Ge le dula ka go Nna, ge le ka Nkwešiša, ge le ka dula ka go Nna. Yo a Ntumelago, yo a Nkamogelago; e sego feela go itiriša go dumela, eupša a ka amogelago. Yo a kwago Mantšu a Ka, a kwešišago Mantšu a Ka, gomme a dumela go Yena yoo a Nthomilego, o ne Bophelo bjo bosafelego; gomme a ka se tle ka molekong, goba go lahlweng, eupša o tshetše lehung go ya bophelong.” Yena šoo, Mofenyi yo maatla!

<sup>73</sup> Yena šo lehono, wa go swana maabane, lehono, le go ya go ile. Yena šo a diragatša pele ga Peu ya Abraham, yeo e biditšwego go tšwa Babilonia, e biditšwego go tšwa Sodoma, e biditšwego go tšwa lefaseng, le go aroganywa, go bontšha tshepišo ya Gagwe feela tlwa go kgabola. Ka morago ga mengwaga ye dikete tše pedi, šo Yena o ema magareng ga rena, bošegong bjo, Mofenyi yola yo maatla, Lentšu la Modimo Yo a kgonago go hlatha dikgopololo tše di lego ka pelong, le maikalelo a tsona. Ke eng? “Peu ya gago e tla hula dikgoro tša lenaba la yona.” Ke eng? Ke Peu ya Abraham, Peu ya bogoši, go dumeleng Lentšu. Gomme Lentšu ke—Lentšu ke Modimo.

<sup>74</sup> Bjale ge re bona le, re ka kgonago go goeletša le bona, boka moreti wa kgale.

Go pheleng, O nthatile; go hweng, O mphološitše;  
 Go bolokweng, O rwaletše dibe tša ka kgole;  
 Go tsogeng, O lokafaditše ka go lokologa go ya go ile;  
 Letšatši le lengwe O a tla, O letšatši la letago!

<sup>75</sup> Yo mongwe o rile, “O a tšofala, mošemane.” Nka se thuše seo.

<sup>76</sup> Ke phetše ge e sa le ke le mošemane yo monnyane, katlego ya ka e nnoši nkilego ka ba le yona ke go bona go Tla ga Jesu Kriste. Ke neetše bophelo bja ka bakeng sa morero woo. Ke sa le ka phuluphithing, bjalo ka mokgalabje, ke dumela Kanegelo ya go swana, gomme selo se segologolo nka naganago ka sona ke go bona Jesu Kriste a etla go tšwa magodimong go amogela ba Gagwe mong. Modimo, gona ya ka . . . Ga go makatše re ka opela:

Ka moka dumedišang maatla a Leina la Jesu!  
 A nke Barongwa ba we go patlama;  
 Tlišang pele korone ya bogoši,  
 Gomme Mo rwešeng korone Morena wa bohle.

<sup>77</sup> Gobaneng? Yena ke Mofenyi yo maatla. Ge o le ka go Yena, o ka go Lentšu. O rile, “Ge le dula ka go Nna, kgopelang se le se ratago.” “Se le se ratago,” gobane kgoro ye nngwe le ye nngwe e šetše e fentšwe. Gona re ka re:

Gobane tshepišo ye nngwe le ye nngwe ka  
 Pukung ke ya ka,  
 Tema ye nngwe le ye nngwe, temana ye nngwe  
 le ye nngwe, le mothaladi;  
 Ke tshepetše go Lentšu Kgethwa la Gagwe,  
 Ka gore tshepišo ye nngwe le ye nngwe ka  
 Pukung ke ya ka.

<sup>78</sup> Bagwera, a le lemoga se seo se se rago? Tshepišo ye nngwe le ye nngwe yeo Modimo a e dirilego go Abraham, tshepišo ye nngwe le ye nngwe yeo e boletšwego ke baprofeta, tshepišo ye nngwe le ye nngwe yeo Jesu Kriste a e tshepisitšego bakeng sa letšatši le, O fa go e tiišetša le go bontšha gore O a phela neng le neng. “Peu ya gago e tla hula kgoro ya manaba.”

<sup>79</sup> Ge go etla tlase go iri ya lehu. O re, “Go reng ka yeo?” O sa le Leruo lela leo Paulo a le boletšego. “O lebitla, phenyo ya gago e kae? O lehu, lebola la gago le kae? Eupša a go lebogwe Modimo, Yo a re fago phenyo ka Mofenyi yo maatla, Jesu Kriste.” Oo!

A nke Barongwa ba we go patlama;  
 Tlišang pele korone ya bogoši,  
 Gomme Mmeeng Morena wa bohle.

<sup>80</sup> Bošegong bjo, ka morago ga mengwaga ye dikete tše pedi, re ema go Mmona, efela, Mofenyi yo maatla Yo a kgeitšego seširo sela se re aragonšego go tloga go tshepišo e ka ba efe ya Modimo, gomme re ba go feta bafenyi ka go Yena. A re rapeleng.

<sup>81</sup> Tate wa Legodimong, ge re ema fa, bošegong bjo, ka Bogeneng bja Moya wo Mokgethwa, Motho yola yo mogolo wa Jesu Kriste ka lebopo la Moya, Yo a tshepisitšwego go tla godimo ga Peu ya Abraham, Peu ya bogoši. Re a rapela, O Modimo, ge eba go ne monna goba mosadi, mošemane goba mosetsana, ka fa, yo a sa Go tsebego; ba ne pelaelo le dikgakanego ka monaganong wa bona, ka ga Lentšu la Modimo, ge eba Ke Therešo goba aowa. O Modimo yo Mogolo, Yo a dirilego tshepišo, etla bošegong bjo! Go ne tshepišo e tee e kgolo O e dirilego, Morena; O kgona go boloka tshepišo yeo, O rile, “Yo a Ntumelago, mediro yeo Ke e dirago le yena o tla e dira; ya go feta wo o tla dira, gobane Ke ya go Tate.” Tate Modimo, re a rapela gore O tla tiišetša Lentšu la Gago.

<sup>82</sup> Go ne ba bantši ba bana ba Abraham fa bošegong bjo, bao ba lwalago. Oo, diabolo o ba rareditše ka kgoro; ba ba beile ka gare,

gomme ba notletše dikgonyo, gomme ba rile, “Bjale o swanetše go hwa; o ne bothata bja pelo. O ne *se, seo*, goba *se sengwe*, gomme o swanetše go hwa.”

<sup>83</sup> O Modimo, anke phalafala ya mogobo e kwagatšwe, bošegong bjo, ya Ebangedi, gore lekgoba le lengwe le lengwe le ikele le lokologile! Jesu Kriste o fentše dikgoro tše. Re swere dikgonyo ka diatleng tša rena. Oo! “Ka Leina la Ka ba tla lelekela bodiabolo ntle. Ge le ka kgopela Tate e ka ba eng ka Leina la Ka, Ke tla e dira. Yo a dumelago go Nna, mediro ye Ke e dirago o tla e dira le yena. Lentšu la Modimo le bogale le maatla kudu go feta tšoša ya magalemabedi, le sega go phuleletša le moko, le ebile mohlathi wa dikgopololo tše di lego ka pelong.”

<sup>84</sup> “Gomme boka go bile matšatšing a Noage, go tla ba bjalo go tleng ga Morwa wa motho, gobane ba be ba ej, ba enwa, ba nyala, ba neela go lenyalo; mananeo a magolo a go aga.” Gomme re šetša lefase, “Go tla ba maswao, diponagalo tše bofišago ka legodimong godimo (ye ke dipiring tše di fofago), ditšišinyegolefase mafelong a go fapano, lewatle le duma (maphoto a phulawatle), pelo ya motho e palelwa (poifo), tlalelo magareng ga setšhaba, tlabego ya nako.”

<sup>85</sup> “Gomme boka go bile matšatšing a Loto, go tla ba bjalo go tleng ga Morwa wa motho.” O Modimo, etla bošegong bjo gomme o diragatše Lentšu la Gago, etla bošegong bjo le go hlompha tumelo ya bana ba Abraham. Ka la Jesu Kriste Leina re a e kgopela. Amene.

<sup>86</sup> Morena a le šegofatše, go humilego. Ga ke ye go dira pitšo ya aletara mo nakong ye. Ke ya go e tlogelela lena. Ke a nagana gore, makga a mantši, dipitšo tša aletara... Ke dumela le bona. “Eupša ba bantši ba ba amogetšego, ba kolobeditšwe.” Yeo ke yona, “Ba bantši ba Mo amogetšego.” Re ya go rapelela balwetši.

<sup>87</sup> Nka bolela fa bošego bjhole. Le batheeletši ba babotse. Eupša se ke se boleLAGO e no ba motho; eupša ge nka bolela Mantšu a Gagwe, gona ga se mantšu a ka, ke Mantšu a Gagwe. Ge nka bolela se sengwe, gomme Modimo a se se thekge, gona leo ke lentšu la ka. Ge nka bolela Lentšu la Gagwe, gomme A Le thekga, ke mang monna goba mosadi wa sebe, mošemanne goba mosetsana, yoo a tla sepelago gomme a re ga Le bjalo?

<sup>88</sup> Jesu, o rile ge A dirile dilo tše, ba rile, “Monna yo ke mmolelelamahlatse. Yena ke diabolo!” Mmolelelamahlatse, e ka ba mang o a tseba gore go bolelelamahlatse ke ga diabolo. O rile, “Ke mmolelelamahlatse.” Eupša a le kile la bona mmolelelamahlatse a rera Ebangedi? A le kile la bona mmolelelamahlatse a lelekela bodiabolo ntle? Aowa, ka nnete, ga ba e dire.

<sup>89</sup> O rile, “Bjale, Nna Morwa wa motho ke tla le lebalela se. Eupša ge Moya wo Mokgethwa a tlie, go bolela kgahlanong le Ona go ka se tsoge gwa lebalelwka ka lefaseng le goba lefaseng

le le tlago, gobane ke go bitša modiro wa Modimo moya wa ditšila.”

<sup>90</sup> Modimo re gaogelete, bošegong bjo, gomme ke a rapela gore Modimo o tla fologa le go tiišetša Lentšu le pele ga lena.

<sup>91</sup> Ngwanešu, kgaetšedi, ye ke soulo ya ka. Ke swanetše go kopana le Modimo. Ke ne boikarabelo go se ke le botšago. Modimo o tla ntira go e arabelela. Yeo ke nnete. Ke botse bofe go tla ntirago go ema fa le go bolela dilo tše ge eba ke tsebile ke be ke lahla soulo ya ka heleng?

<sup>92</sup> “Go na le tsela ye e bonalago eke e lokile go motho, eupša bofelo bja yona ke tsela ya lehu.” Modimo ga a nyake mohlatholli. Boka ke boletše, O hlatholla Lentšu la Gagwe Mong.

<sup>93</sup> “Peu ya Abraham e tla hula kgoro ya lenaba.” A le a e dumela? [Phuthego e re, “Amene.”—Mor.]

<sup>94</sup> Ge nkabe ke kgona go go fodiša, ke be ke tla e dira. Kriste o šetše a le fodišitše. Selo se nnoši, o ne sekgonyo ka seatleng sa gago. Sekgonyo seo ke tumelo ya gago, go e swara. E kgonyolle, bošegong bjo, a o ka se ke? Ge A etla ka magareng ga renä, Mofenyi yola yo Maatla yoo a fentshego bolwetsi bjo bongwe le bjo bongwe, le go tla fa le go le bontšha gore O e dirile, gobane O sa le Lentšu. “Gomme Lentšu ke mohlathi wa dikgopololo tše di lego pelong.”

<sup>95</sup> Karata ya thapelo efe? B, tee go... Re tla thoma go eng, bošego bjo bongwe? [Yo mongwe o re, “Tee.”—Mor.] A re thomeng go masometlhano. Ke mang a nago karata B, masometlhano? Phagamiša seatla sa gago. Karata ya thapelo B. Re thomile go tee, bošego bjo bongwe, bjale re ya go thoma go tloga go masometlhano, bošegong bjo.

<sup>96</sup> Ke mang a nago B, B, masometlhano? Iša seatla sa gago godimo. Karata ya thapelo B, masometlhano. Le ra gore ga e gona? A o e swere? Go lokile, B, masometlhano. B, masometlhano tee, ke mang a nago yeo? B, masometlhano tee, go lokile. B, masometlhano pedi, ke mang a nago B, masometlhano pedi? Go lokile, o e swere. B, masometlhano tharo, masometlhano nne, etla thwi godimo fa. Masometlhano nne, masometlhano tlhano.

<sup>97</sup> Mošemane wa ka o tla tlase fa, thwi pele ke tsena, gomme a hlakahlakanya sehlopha sa dikarata. Gomme bonang ka fao di lego, e tee *fa* le e nngwe *fale?* Ga ba tsebe. O ka no tla tlase mothalong wo *fa* gomme wa hwetša tee, wa go latela a hwetša lesome, yo mongwe a hwetša masomepedi tlhano. Ga re tsebe moo e lego, eupša, e ka ba kae ba lego.

<sup>98</sup> Bjale re biditše ba bakae? Tlhano, nne? B, masometlhano. E be e le B, masometlhano, a e be e se? [Yo mongwe o re, “Ee.”—Mor.] B, masometlhano go fihla masometlhano tlhano. Masometlhano tshela, masometlhano šupa, masometlhano seswai, masometlhano senyane, masometshela. Bjale a

re boneng, tee, pedi... Ba bale, Billy, gomme re tla... Masometshela, masomešupa, anke ba eme pele, ge le rata. B, masometlhano go fihla masomešupa, masomešupa tlhano. Ba bale, Ngwanešu Roy, ge o ka kgona, ge ke sa bolela le batheeletši.

<sup>99</sup> Ke ba bakae ntle fale bjale ge o lebelela ka tsela ye, gomme ga o ne karata ya thapelo?

<sup>100</sup> Elelwang, Jesu o rile, “Mediro yeo Ke e dirago le tla e dira le lena.” Yeo ke therešo? [Phuthego e re, “Amene.”—Mor.] Yeo ke therešo. A o a e dumela? [“Amene.”] Peu ya Abraham e boletše bjalo.

<sup>101</sup> Beibele e a bolela, gore, “Ke Yena Moprista yo Mogolo.” Bahebере, tema ya 4, “Ke Yena Moprista yo Mogolo yoo a kgonago go kgwathwa ke maikutlo a mabofokodi a rena.” A le a e dumela? [Phuthego e re, “Amene.”—Mor.] Ge eba O a swana maabane, lehono, le go ya go ile, O tla e dira bjang?

<sup>102</sup> Go bile mosadi yo monnyane, ka Beibeleng, ge le lemoga se ke se bolelago. Mosadi yo monnyane, ka Beibeleng, mohlomongwe ga se a be le karata ya thapelo; eupša o rile ka pelong ya gagwe, “Ge nka kgwatha Monna yola, ke a Mo dumela.” O be a šomišitše tšohle a bilego le tšona, go ngk-...ka dingaka. Ga se ba kgona go mo thuša. Taba ya gagwe e be e le ye kgolo kudu. Ga se ba kgona go mo thuša. Eupša o dumetše gore Modimo a ka mo thuša. Gomme O kgwathile morumo wa Gagwe, wa kobo ya Gagwe.

<sup>103</sup> Gomme O rile, “Ke a bona gore maatla a tlogile go Nna.” A yeo ke nnete?

<sup>104</sup> A le a dumela O a swana, bošegong bjo? [Phuthego e re, “Amene.”—Mor.] A le a dumela O mo? [“Amene.”] Ke ba bakae ba dumelago O tsogile bahung? [“Amene.”] Bjale o ka kgona go netefatša bjang O tsogile bahung?

<sup>105</sup> E se kgale kudu, monna wa go tsebalega wa Baptist o tla go nna, gomme o rile, “Ngwanešu Branham, ke fentšwe—fentšwe, nako ye nngwe, ke Mohammedan yo a boletsego seo. O rile, ‘Ge eba O tsogile, O tshepišitše gore O tla dira selo sa go swana. A re Mmoneng a se dira.’” Le a bona, ba dumela gore ga se A e dira.

<sup>106</sup> Eupša re dumela gore O a e dira. Re dumela gore O tsogile bahung. Ga go bodumedi bjo bongwe ka lefaseng bjo bo ka netefatšago gore mothomi wa bona o a phela, eupša Bokriste. Gomme tsela e nnoši Modimo a ka E tiišago, ke ka bale ba ba e dumelago; gobane yeo ke tsela e nnoši yeo Modimo a diragatšago Mantšu a Gagwe, ke bale ba Le dumelago.

<sup>107</sup> Bjale ge ba sa lokologanya mothalo wo wa thapelo fa. Ga ke tsebe ke ba bakae re tla ba fihlelago. Ke nyaka yo mongwe le yo mongwe wa lena, swara leemo la gago, swara setulo sa gago, se šuthašuthe. Lebelela ka tsela ye gomme o rapele, o re, “Morena Jesu, ke a dumela.”

<sup>108</sup> Le a evelwa, O mpoditše, “Ge o ka dira batho go go dumela; gomme gona wa ba go hlomoga ge o rapela.” Yeo e bile go kgabaganya setšhaba se, morago le pele, lebaka la mengwaga ye lesometlano, ga go nako e tee e ilego ya šitwa. E ka se kgone go šitwa.

<sup>109</sup> Modimo, selo se tee Modimo a ka se se dirego, seo ke go šitwa. O swanetše go boloka Lentšu la Gagwe. Ke dumela seo. Ke dumela seo feela gabotse bjalo ka ge... go feta ke dumela ke eme fa, go feta ke dumela ke ka moagong wo; ye e ka no ba meetsemaaka, e ka no ba toro. Ka soulong ya ka, ke a tseba Jesu Kriste Morwa wa Modimo o a phela. Gomme wena go beng Peu ya Abraham, o ba go hwa ka go Kriste, o Peu ya Abraham.

<sup>110</sup> Bjale ba swere disakatuku tše dingwe fa. Katlego ye kgolo e dirilwe ka se, batho ba ba dumelago. Bjale a re inamšeng dihlogo tša rena, ge ba sa ba komana, le go rapelela ba.

<sup>111</sup> Tate wa Legodimong, re a rutwa ka Beibeleng, gomme go ne batho fa ba ba dumelago Lentšu le lengwe le le lengwe le O le boletšego ke Therešo. Morena, dinako tše dingwe ba a thetherega le go lokela mo lešobaneng la sekgonyo, ka sekgonyo, ba le foša, le go ngwaya, eupša ba a dumela le gona. Nno ba lesa ba lokela, ba tla le hwetša, gobane le gona. Gomme sekgonyo sela ke sekgonyo sa maleba, “Ge o ka kgona go dumela, dilo tšohle di a kgonega.” Boka pina e opelwa bjale, goba e ralokwa.

<sup>112</sup> Ka Beibeleng e bolela gore, “Paulo o tšere go tšwa mmeleng wa gagwe disakatuku le dithethwana, gomme o di rometše go balwetši le batlaišwa, gomme meboya ya ditšhila e tlogile batho, gomme ba ile ba fola.”

<sup>113</sup> Bjale, Morena, re a tseba Mokgethwa Paulo o ne Wena. Eupša, e be e se yena; e be e le Wena, Morena, Kriste ka go yena. “Ga se nna ke phelago, eupša Kriste yoo a phelago ka go nna,” o boletše.

<sup>114</sup> Gomme bjale go moloko wo, O sa le Kriste, lehono, boka o bile maabane. Gomme ge ke rapelela disakatuku tše, go di kgwatha, ke rapela gore O tla fenya lenaba le lengwe le le lengwe. Ba fe tumelo, go ba dira ba tsebe gore lenaba le fentšwe.

<sup>115</sup> Gomme nako ye nngwe, Lewatle le Lehubedu, boka re sa tšo bolela ka lona, le bile le Israele e kgaotšwe go tshepišo, gomme ba be ba le mothalong wa mošomo. Gomme mongwadi yo mongwe o boletše, gore, “Modimo o lebeletše tlase ka mahlo a pefelo, go kgabola Pilara yela ya Mollo, gomme lewatle le tšhogile gomme le butše dikgoro tša lona, gomme ba tsheletše ka kua.”

<sup>116</sup> Lebelela tlase, bošegong bjo, ka Madi a Jesu Kriste. Gomme anke, ge disakatuku tše di beilwe godimo ga balwetši, anke lenaba le bone tumelo ya rena, bošegong bjo, ge re rapela thapelo ye ya tumelo bakeng sa bona. Gomme anke yo mongwe le yo mongwe a hlakodišwe, Leineng la Jesu Kriste. Amene.

<sup>117</sup> Bjale ke nyaka šedi ya lena ya go se arogane. E ka ba mang a lego go segodišantšu godimo fa, o ka se beakanya. Gobane, ge Moya wo Mokgethwa o ka dira se . . . Ga ke bolele gore O tla dira.

<sup>118</sup> Bjale e ka ba mang a tlago fa le go le botša gore ba ne sekgonyo go fodiša balwetši, le se e dumele. Maatla ohle a ka go Kriste. Ke Yena Mofenyi, e sego lena le nna. Re no amogela se A se dirilego. Ga go motho a nago maatla go phološa goba go fodiša.

<sup>119</sup> Motho yo mongwe le yo mongwe ka lefaseng, tefo šetše e lefetšwe. Senyakwa se lefetšwe. Se bile bjang? "O gobaditšwe bakeng sa dikarogo tša rena, ka megogoma ya Gagwe re fodišitšwe." Phodišo ya gago—ya gago e lefeletšwe. Phološo ya gago e lefeletšwe. A o ne tumelo go tla, go e amogela? Yeo ke phetho. Ge o le Peu ya Abraham, o ne yona. Modimo o e tshepišitše. Go ne se sengwe ka go wena seo se rego e gona, gomme se gona.

<sup>120</sup> Bjale mpho ke eng? A mpho ke go ya ntle le go fodiša batho? Aowa. Mpho ke go itloša tseleng wenamong, gore Modimo a kgone go go šomisa.

<sup>121</sup> Bjale O tshepišitše seo, leswao la mafelelo, go ya ka Jesu Kriste, "Boka go bile ka matšatšing a Sodoma, fela pele e ka tšhungwa." E sego pele dilo tše dingwe di direga, Ebangedi e rerilwe ke Loto, le go ya pele; e sego seo. Eupša fela pele e tšhungwa, Modimo o theogile ka lebopo la motho, le go dula le Kereke e hlaotšwego, Abraham le sehlopha sa gagwe, se se bilego le tshepišo.

<sup>122</sup> Bjale elelwang, ke feela Peu ya Abraham e amogelago ye. "Lebakanyana le lennyane gomme lefase ga le sa Mpona," Jesu o boletše. "Le tla Mpona, gobane Ke tla ba le lena, ka go lena, go fihla bofelong bja lefase."

<sup>123</sup> Eupša o tshepišitše, feela pele ga fao O boile gape, "Boka go bile ka Sodoma," lebelelang se Sodoma e se hwetšago; lebelelang se Kereke e hlaotšwego e se hwetšago, e rile, "go tla ba bjalo go tleng ga Morwa wa motho." Modimo a bonagaditšwe ka lebopo la motho, gore ka mokokotlo wa Gagwe o furaletše tente, o boletše se Sarah a se dirilego ka gare ga tente. Yo mongwe le yo mongwe o a tseba seo ke Therešo, phagamiša diatla tša gago. Seo ke tlwa. Bjale O e tshepišitše. Re mo nakong ya bofelo. Bjale elelwang, selo e bile selo sa mafelelo se diregilego; gomme lefase la Bantle le tšunngwe, Sodoma, gomme morwa wa tshepišo o tlide go lefelotiragalo. Re lebeletše Morwa wa tshepišo, Morwa wa Modimo.

<sup>124</sup> Ke rena ba. Anke Modimo a bule mahlo a lena. Ga ke tsebe selo gape go bolela. Anke a bule mahlo a lena.

<sup>125</sup> Bjale Tate wa Legodimong, ke hloka thušo, ke nna sehlopha sa letsopa seo O se kgolokilego mmogo, le go se bea ntle fa. O Modimo, anke nna, bosegong bjo, ke hwetše mogau le Bogona

bja Gago, gore e ke e be Wena o ka šomišago maraga a a letsopa ao O nago ona ka fa. Gore bale, Morena, ba O ba bileditšego Bophelong bjo Bosafelego, gomme mohlomongwe ba se ba Bo amogela golebjalo, anke ba bone ditshepišo tše. Ba ka no be ba rutilwe yeo e be e le bakeng sa letšatši le lengwe, eupša še yona ka Beibeleng. E tiišetše, Morena. Yeo ke tlhalošo ya Gago Mong. Ga e nyake go feta fao. Ge O ka no e dira bjalo, gona ba tla bona gore Lentšu le a rereša. E fe, Tate. Re ikgafela renabeng go Wena.

<sup>126</sup> Anke motho yo mongwe le yo mongwe ka fa, Morena, ba šomiše tumelo ya bona, bošegong bjo. Anke moleloko yo mongwe le yo mongwe wa Leloko la Abraham, ka Jesu Kriste, a be le tumelo, bošegong bjo, le go amogela Bogona bja Gago. Gomme re tla Go fa tumišo. Amene.

<sup>127</sup> Bjale, a ye ke ya maf-... Bjale se se a tlabu. Ke nyaka le nthuše bjale, nthapedišeng. Dulang go homola ka kgonthe, le se šuthašuthe. Dulang tuu, rapelang.

<sup>128</sup> Bjale, le a bona, e fetoga go tloga go boebangedi, godimo go itapološa lenabeng ka tsela ye bjalo gore Moya wa Modimo o kgone go le tšeela ka go felelela ka go sekgao se sengwe.

<sup>129</sup> Bjale fa go eme yo yo mofsa... Etsa godimo fa gannyane nthathana, mohumagadi. Gomme feelsa... Go lokile, kafao nka se ye kgole le segodišantšu se. Le a bona, ga ke tsebe go direga eng, le a bona, gomme dinako tše dingwe, le a tseba... Bjale tsela e nnoši ke e tsebago, ke—ke go segodišantšu, le a bona, gomme ba leka go e swara ntla fa, gomme ke no se tsebe eng.

<sup>130</sup> Bjale re basetsebane seng. Ga ke go tsebe, ga se nke ka go bona bophelong bja ka. Eupša o yo moswa kudu go mpheta. Gomme ka kgonagalo re belegwe dimaele go arogana, le mengwaga go arogana. Le ke lekga la rena la mathomo go kopana. A yeo ke nnete? Ge eba go le, phagamiša seatla sa gago gore batheeletši ba bone. Bjale, o no ba mosadi a eme fa.

<sup>131</sup> Lebelela, e išeng morago go Lengwalo. A re tšeeng Mokgethwa Johane 4. Yo mongwe le yo mongwe wa lena e baleng ge le eya gae. E sego—e sego gore mosadi yo fa ke sekai sa mosadi; ga ke tsebe. Gomme le a tseba gore ga se nna Jesu Kriste. Eupša O fa. Ke Yena. Bjale Moya wa Gagwe o re tlotša, o ka utolla bothata bja gagwe, boka A dirile go mosadi mo sedibeng. Selo sa go swana.

<sup>132</sup> Gomme, ka seo, moo baprista le baetapele ba letšatši lela, ba rile, “Monna yo ke mmolelelamahlatse, goba diabolo, goba Beletsebulu.”

<sup>133</sup> Mosadi yo o rile, “Mohlomphegi, ke a bona gore O moprofeta. Re a tseba gore Mesia o etla, gomme leo e tla ba leswao la Gagwe.”

<sup>134</sup> Bjale, ke ba bakae ba tsebago seo ke therešo? [Phuthego e re, “Amene.”—Mor.] Gabotse, ge eba A swana maabane, lehono,

le go ya go ile, a leo e ka se be leswao la Gagwe bošegong bjo? [“Amene.”] A O tshepišitše go tla ba, feela pele ga bofelo bja nako? [“Amene.”] Bjale bonang ge eba O boloka tshepišo ya Gagwe go Peu ya Abraham.

<sup>135</sup> Bjale ge e ka ba mang ka fa a nagana yeo e phošo, etla godimo fa gomme o dire selo sa go swana. Ge go se, gona se bolele selo ka yona. O ne monyetla.

<sup>136</sup> Bjale, Leineng la Kriste, ke tšeela moyo wo mongwe le wo mongwe ka tlase ga taolo ya ka, go letago le tlhompho ya Modimo.

<sup>137</sup> Ke tla no ba le go bolela le wena, nakwana, mohumagadi yo moswa. O a tseba, Morena wa rena o boletše le mosadi mo sedibeng. O rile, “Ntlišetše seno.” O be A dira eng?

<sup>138</sup> Bjale šetša, O rile, ka go Mokgethwa Johane 5, “Ruri, ruri, Ke re go lena, Morwa,” yoo e be e le Yena, mmele, “ga a kgone go dira selo ka Bonna,” ke feela ge A bone Tate a dira. “Se Tate a se dirago, O bontšha Morwa. Le a bona, ga Ke kgone go dira selo ka Bonna, eupša ge Ke bona Tate a e dira.” Gona, Jesu ga se nke a dira mohlolo o tee go fihlela pele Modimo a Mmontšitše ka pono; e sega a Mmoditše ka tsebeng ya Gagwe, eupša a Mmontšitše. “Se Ke se bonago,” e sega kwago, “bona Tate a dira.” Ke seo se Mo dirilego Moprefeta go swana le Moshe, boka Moshe a boletše. Bjale ge A—A tsebile Tate... O be a le go...

<sup>139</sup> O be a eya Jeriko, eupša O bile le tlhoko go feta Samaria, gomme O tlide godimo toropongkgolo ya Sikara. Gomme bjale bonang, Basamaria ba be ba lebeletše Mesia.

<sup>140</sup> Bajuda ba be ba e lebeletše, gomme O ba bontšitše leswao la Gagwe. Filipi, Nathaniele, Petro, ka pela ge leswao lela le dirilwe, ba rile, “Wena o Morwa wa Modimo.”

Rabi o rile, “Monna yo ke Beletsebulu.”

<sup>141</sup> Eupša bjale elelwang, Bantle, rena, re be re le Maanglo-Saxon, re—re be re se ra letela Mesia. Re be re le bahetene, Baroma, le go ya pele. Re be re se ra letela Mesia. O tla feela go bale ba ba Mo letetšegeo.

<sup>142</sup> Eupša Basamaria ba be ba Mo letetše, kafao O be a swanetše go feta go bona, godimo ka Samaria. O dutše fase sedibeng. Mohumagadi yo moswa, ka kgonagalo a ka ba bogolo bja gago, o tla ntle. O be a le mosadi wa tumo ye mpe. O badile kanegelo, ke a thank. Gomme o rile, “Mosadi, Ntlišetše seno.”

<sup>143</sup> O rile, “Oo, ga se setlwaedi go Wena, Mojuda, go kgopela Mosamaria se sebjalo.”

<sup>144</sup> O rile, “Eupša ge o ka be o tsebile Yo o bego o bolela le yena, o be o tla Nkgopela seno.”

<sup>145</sup> Poledišano e ile ya ya pele. Mafelelong, O hweditše moo bothata bja gagwe bo bego bo le gona. Le elelwa e be e le eng?

O be a ne bannabagatša ba bantši kudu. Gomme o rile, “Eya o bitše monnamogatša wa gago, o tle fa.”

O rile, “Ga ke naye.”

<sup>146</sup> O rile, “O boletše gabotse,” o rile, “gobane o bile le ba bahlano, gomme yo o phelago le yena bjale ga se wa gago.”

<sup>147</sup> O rile, “Mohlomphegi, ke a bona gore O moprofeta. Re a tseba Mesia o etla, O tla re botša dilo tše.”

Gomme Yena a re, “Ke nna Yena.”

<sup>148</sup> O tlogetše moeta wa gagwe, a kitimela ka toropongkgolo, gomme o rile, “Etlang, bonang Monna Yo a mpoditšego se ke se dirilego. A yo ga se yena Mesia?” Ba be ba hlokile moprofeta lebaka la makgolo a mengwaga. Gomme Monna a šo yoo a tleleimilego go ba Mesia, le go netefatša go ba mo—mo moprofeta, le go bontšha leswao la Mesia.

<sup>149</sup> A e ka go dira go dumela selo sa go swana, ge A dirile selo sa go swana, go beng O a swana maabane, lehono, le go ya go ile, gomme o tshepišitše ka Mangwalo gore O tla e dira?

A se ka dira batheeletši gore ba dumele? [Phuthego e re, “Amene.”—Mor.]

<sup>150</sup> O tlaišega ka bothata bja pshio. Ge yeo e le nnete, phagamiša seatla sa gago.

<sup>151</sup> Gobaneng seo ka mehla se pampa sefahlegong sa ka? Yo mongwe o re, “O e thankile.” Ga se nke ka thankaka seo.

<sup>152</sup> Šo, yena ke mosadi yo mobose. A o a ntumela? Bjale o a tseba ga se nke ka thankaka seo. Anke ke bolele se sengwe gape. Monnamogatša wa gago o nago. O a tlaišega, le yena. A ga a? Bothata bja mongetsena. Yeo ke nnete. A ga se yona? O ne mošemane yo monnyane le wena. O a tlaišega, le yena. O nyaka a rapelelwé. O ne se sengwe sa phošo ka mahlo a gagwe. Yeo ke nnete. O ne mosetsana yo monnyane le wena, o ne bothata bja pshio, boka wena. A yeo ke nnete? Bjale bohole le ka fola, ge le ka dumela. A o a e dumela? Modimo a go šegofatše. Itshepelele gomme o fole.

<sup>153</sup> A le a dumela? [Phuthego e re, “Amene.”—Mor.] O a swana maabane, lehono, le go ya go ile. Ke eng? O leka go dira eng? Go wena, Peu ya Abraham, O go bontšha gore ga se A hwa. Nka se kgone go dira dilo tše. Ga se A hwa. Eupša O a phela, a le bontšha gore le ne tokelo go hula dikgoro tša lenaba la lena. Seo se swanetše go e ruma.

<sup>154</sup> Mohumagadi yo, etla ka tsela ye, feela nakwana. Re tikologong, felotsoko bogolo bja go swana, ke a kamaka. Eupša re—re basetsebane renaseng, bokgole bjo ke tsebago. Ga ke go tsebe, gomme re basetsebane. Ga ke tsebe selo ka wena. Ge eba seo e le nnete, phagamiša seatla sa gagwe, o a bona. [Kgaetšedi o re, “Yeo ke nnete.”—Mor.] Feelaa ba bangwe ba bona ba go fa

karata ya thapelo, gomme ke wena yo. Go lokile. Bjale ge Morena Jesu . . .

<sup>155</sup> Ge nna, mohlomongwe, ke re ke be ke leka go tšea lefelo la Ngwanešu Oral Roberts, goba yo mongwe wa monna bale ba bagolo ba tumelo, Ke tla re, “Mohumagadi, phošo ke eng ka wena?”

<sup>156</sup> O be o tla re, “Gabotse, ke ne sagorelegore.” Bjale, a ka no se nepe. Le a bona? Ga ke tsebe. Le a bona? Eupša, yena, o ka mmotša se e lego phošo.

<sup>157</sup> O be a ka bea diatla godimo ga gago, a re, “Modimo o nthomile go—go rapelela balwetši. A le dumela seo?” “Ee.” “Letago go Modimo! Eya, e dumele.”

<sup>158</sup> Go lokile. Go lokile. Modimo o tshepišitše seo. Eupša, le a bona, re phela godimo gannyane godingwana le—le letšatši go feta leo. Jesu o tshepišitše, “Boka go bile matšatšing a Sodoma. Mediro ye Ke e dirago le tla e dira le lena.”

<sup>159</sup> Bjale ge Modimo a ka mpotša se o bilego, o a tseba ge eba yeo ke therešo goba aowa. A ka go botša se o tla bago. Gomme ge eba seo se rereša, se e tla ba therešo, le sona. Ge A go botša, e ka ba eng, ga ke tsebe; eupša ge A ka mpotša se bothata bja gago e lego.

<sup>160</sup> A le tla se dumela, le lena, batheeletši? [Phuthego e re, “Amene.”—Mor.]

<sup>161</sup> Ka kgonthe ke swanetše go emiša. Nako yela ye nngwe, motho yola o be a le fa nakwana ya fo feta, seo se swanetše go e tiišetsa. Jesu o e dirile nako ye nngwe. Ga se nke A e dira nako ye nngwe gape. Yo mongwe le yo mongwe ka Sekara o e dumetše, o dumetše bopaki bja mosadi, ge a etla, o ba boditše, gomme o be a le mosadi wa tumo ye mpe. Mokriste o sa tšo tloga sefaleng, pele ga lena bohle! Amene. Eupša go beng gore go thari go feta re nagana, anke Morena a tšwelepele go inetefatša Yenamong, yo mogolo, Mofenyi yo maatla, yoo Peu ya Abraham . . . Eupša boka Abraham, O e diretše Abraham, gatee; morago a senya yeo, gomme o e dirile gape. Abraham kgafetša go dumela Modimo.

<sup>162</sup> Ga o fa bakeng sa gagomong. O fa bakeng sa yo mongwe gape, gomme yoo ke mohumagadi. Ke samme wa gago. [Kgaetšedi o re, “O Morena!”—Mor.] Gomme mohumagadi o rithifaditšwe go iša lehung. [“Nna!”] Gomme o tlaišega ka bo-bo bolwetši ba swikiri. [“Oo!”] Gomme ga a tšwe fa. [“Aowa.”] O tšwa . . . O tšwa Louisiana, naga ya serorobja. [“Oo, oo, oo!”] Seo . . . Gomme selo se sengwe sese, gore batheeletši ba ka tseba se. O ne morwedi yo a babjago ka kgonthe, yoo a breakantšego go tleng kopanong ye, gomme o ne go wa dihwahwa. [“Oo, oo, oo!”] Yeo ke therešo. Yeo ke therešo. A ga se yona? [“Oo!”] A o a dumela bjale? [“Ee. Amene.”] Ge eba o le Peu ya Abraham, e amogele gomme o itshepelele, [“Morena wa ka! Morena wa ka!”] gomme o fole Leineng la Jesu Kriste.

<sup>163</sup> A le a dumela? [Phuthego e re, “Amene.”—Mor.] Ka nnete. Elelwang, ke tshepišo ya Gagwe. O rile O tla se dira. O boloka tshepišo ya Gagwe.

<sup>164</sup> Go bjang? Re basetsebane go rena seng. Ga ke go tsebe. Eupša Modimo o a go tseba. A o a dumela ge Modimo a ka nkutollela bothata bja gago, gona o a tseba e swanetše go tla go tšwa go maatla a rilego a semoya. [Kgaetšedi o re, “Nnete.”—Mor.] Bjale, go ne feelsa dilo tše pedi e ka tšwago go tšona, tše o ka di akanyago. Ge e dirilwe, e go feta tlhalošo, gobane ke tiromatlaba. Gomme, gape, kgakgamatšo; se sengwe, gabotse, ga se hlaologanyege, efela ke therešo. E tla ba kgakgamatšo. Gomme bjale o a e tseba, ge eba ke therešo goba aowa, le tla tseba ge eba O go boditše therešo.

<sup>165</sup> Bjale, elelwa, ga ke go tsebe. Go swanetše go ba yo Mongwe ntle le nna. Ge o ka dira boka Bafarasei, gomme ba rile, “Oo, ke moyo wo mobe,” gona o ne mopuputso woo. Ge eba o dumela ke Kriste, o ne mopuputso wa Gagwe. Lebaka o ka kgonago go e dumela, gobane O e tshepišitše bakeng sa letšatši le, gomme ga se ke go be go tloga nako yela go fihla go ye. Seo se e dira nako ya bofelo.

<sup>166</sup> Go ne yo mongwe o fela a tšwelela pele ga gago, nako yohle. Ke monna, hlogopududu. Ke monnamogatša wa gago. [Kgaetšedi o re, “Ee.”—Mor.] O dutše thwi fale. O leka go amogela pholo ya gagwe, go bego go rithifatšwa ke kankere, ya sekutu, kankere. O ne bothata bja kankere, bothata bja sebudula. [“Ee.”] Le Mna. le Mdi. Little. [“Ke rena.”] A yeo ke nnete? [“Ee.”] Dumelang ka pelo yohle ya lena, gomme le fole.

<sup>167</sup> “O bolela la gagwe, leina la bona?” Gobaneng, ka nnete. A Jesu ga se a botša Petro, “Leina la gago o Simone, morwa wa Jonase”?

<sup>168</sup> Monna šo. Re basetsebane go rena seng, mohlomphegi. Ga ke go tsebe. Eupša o monna, boka—boka Petro a etla go Morena Jesu, re tla mmogo. A o ntumela go ba mohlanka wa Gagwe? A o dumela se ke go boditšego ke therešo? [Ngwanešu o re, “Ee, mohlomphegi. Ke a dira, mohlomphegi.”—Mor.] Ge o ka kgonago go e dumela! [“Ee, mohlomphegi.”] Nna, ge eba go ne e ka ba eng nka kgonago go go direla, ke tla e dira, eupša ga se gona nka go se dira. O šetša a se dirile; e no ba se sengwe go go dira o e dumele. Gomme, o a bona, go ka se be nna. Ge nkabe e le nna, ke tla—ke tla dira tšohle nka kgonago bakeng sa gago. Eupša O mphile mpho, gomme ke no iketla nnamong pele ga Gagwe, gomme O dira go bolela. [“Yeo ke nnete. Ee, mohlomphegi.”] A o dumela seo? [“Ee.”]

<sup>169</sup> A le dumela seo, batheeletši? [Phuthego e re, “Amene.”—Mor.]

<sup>170</sup> Ke nyakile go hwetša monna. O ne dilo tše mmalwa tša phošo ka wena. Eupša ye nngwe ya dilo ke, o ne sehlogi leihlong la gago

le letona. Bjoo ke bothatakgolo bja gago. Selo se sengwe sese, mosadi o fela a tšwelela fa. Ke mosadimogatša wa gago. A o a dumela Modimo a ka mpotša phošo ke eng ka mosadimogatša wa gago fa? Bothata bja gagwe bo ka ganong ga gagwe. Ke meno a gagwe. Yeo ke nnete. A o a dumela gore Jesu wa go swana, Yo a tsebilego yo Simone Petro a bego a le, a ka mpotša ke wena mang? [Ngwanešu o re, "Ee."—Mor.] A go tla go dira go dumela gagolo? ["Ee, mohlomphegi."] Go tla dira? ["Ee."] Oscar Barnes. ["Yeo ke nnete."] A yeo ke nnete? Itshepelele gae, o fole.

<sup>171</sup> [Ga go selo go theipi—Mor.] . . . mosetsebje go wena. Ga ke go tsebe, eupša Modimo o a go tseba. A o a dumela gore O kgona go mpotša se bothata bja gago e lego? A o tla e dumela ka pelo ya gago ka moka? Bothata bja gago bo tikologong ya mogolo wa gago, le ka sehubeng sa gago fa. Ke go—go go bola ga lerapo. O ba le dikutu, boka, le mahuto ka gare ga sebopego sa lerapo. Yeo ke nnete. Ga o tšwe fa. O ka go to—to toropokgolo yeo e nago le mehlare ye serolwana gohle go e dikologa. E dutše ka moeding, ka ponagalobotse ya dithaba ka morago ga yona. Go ne hotele e bitšwago Antlers. Ke San Bernardino. Ke moo o tšwago gona. Boela morago, Jesu Kriste o a go fodiša, ge o ka e dumela.

<sup>172</sup> Go ne selo se tee feela se ka fodišago kankere, seo ke Modimo. A o a dumela O tla go fodiša? [Ngwanešu o re, "Kgonthe ke a dira."—Mor.] E dumele! Sepela, gomme Morena Modimo a go dire nthathana ye nngwe le ye nngwe go fola.

<sup>173</sup> E se kgale o be o leti- . . . go tšhoga go fetiša, o nyamile ka kgonthe. Ka letšhogo le, mogodu wa gago o tlie ka seemong. Ga o kgone go šila dijo; o e tliša ka ganong ga gago. Ke esiti gohle ka ganong ga gago. Moragorago mo morago ga sekgaleta, o ba go lapa ka kgonthe le se sengwe le se sengwe. O ne alesa ya mala ka mogodung wa gago. A o a dumela gore yola ke Jesu Kriste a ka go botšago seo? [Kgaetšedi o re, "Ee."—Mor.] Sepela ja selalelo sa gago, gona. Dumela ka pelo ya gago yohle, Jesu Kriste o a go fodiša.

<sup>174</sup> Go bjang? Go ne dilo tše dintši tša phošo. Eupša ye nngwe ya dilo tše o di boifago, o ya go golofatšwa ka atheraithise. Eupša a o dumela gore Modimo o tla go fodiša, a go dira o fole go yona? [Kgaetšedi o re, "Ee."—Mor.]

<sup>175</sup> Morena Jesu, ke a rapela gore O tla e fa kgaetšedi wa ka. Mo fe go bona ga gagwe. Tloša bothata bja mohumagadi go yena, gomme o dire atheraithise e fole, Leineng la Jesu. Amene.

<sup>176</sup> Sepela bjale, o dumela. O tla e dira, gomme go tla loka. Se belaele, nno ya pele o sepela, gomme o dumele ka pelo ya gago yohle.

<sup>177</sup> Bothata bja pelo ke selo se se šiišago, eupša Kriste o fodiša pelo. A o dumela seo? [Kgaetšedi o re, "Ee."—Mor.] Sepela, e dumele, gomme yohle e tla dirwa. Go fedile.

<sup>178</sup> A o a dumela o ya go golofala? Aowa, ga ke nagane bjalo, ga ešita. Kgopolu ya ka, atheraithise; morithi wola fale, oo, yeo ke kankere. [Kgaetšedi o re, “Oo, oo!”—Mor.] A o a dumela O tla e fodiša? [“Ee, ke a dira.”] Sepela, e dumele. O tla go fodiša.

<sup>179</sup> E be e go tshwenya, tlogela nakwana ye nnyane, thibelo ka pelong. Eupša a o a dumela go ya go fela, bošegong bjo? Sepela, e dumele, Jesu Kriste o a go fodiša.

<sup>180</sup> Go bile bothata bjo bonnyane, go tšwa bothateng bja mohumagadi, nako ye telele. Gomme gona, wena o, o ne nako ye boima go tsogeng mosong. O omile, maotong a gago. O sepela ga boima, go fihla mo letšatšing, la nako. Ke atheraithise. Sepela, se belaele, ga o sa ne yona. Nno e dumela, ka pelo ya gago yohle.

<sup>181</sup> O ne dilo tše mmalwa, ditlhakatlhakano. Eupša selo se tee seo se go tshwenyago gampe bjalo, gape o nagana ka atheraithise, ye e lego, e go golofatsago. A o dumela gore O tla go dira o sepele le go fola? [Kgaetšedi o re, “Ee, mohlomphegi.”—Mor.] Sepela, e dumele ka pelo ya gago yohle, Jesu Kriste o a go fodiša.

<sup>182</sup> Pelo ya letšhogo, le atheraithise, eupša a o a dumela gore Modimo o tla go fodiša? O a dira? Sepela, gomme anke Morena Jesu a go fodiše.

<sup>183</sup> Mogodu woo ka kgontho o go file bothata bjo bontši mo mengwageng e se mekae ya go feta, a ga se o? O ka se sa. Sepela, e dumele. Modimo a go šegofatše. Fola.

<sup>184</sup> O ka kgonna, le wena, mogodu wa gago o fodile. Sepela, dumela ka pelo ya gago yohle. Se belaele.

<sup>185</sup> O ne nako ye boima go hema, asma yela ya kgale ka kgontho e go iša fase. A ga e dire? A o a dumela e ya go dirwa bjale? [Ngwanešu o re, “Ee.”—Mor.] Go lokile, eya o e dumele. Amene.

<sup>186</sup> Haleluya! A o dumela ka pelo ya gago yohle? [Phuthego e a hlalala—Mor.]

<sup>187</sup> Feela nakwana. A ga le bone Seetsa sela fale? Mohumagadi yo monnyane wa lekhilate o ntebeletše, a dutše tlase fa, o ne sehlogi ka lehlakoreng la gagwe le letshadi. O ne bothata bja pshio, ditlhakatlhakano. O bile le tumelo ye ntši. Ga se o swanele go tla godimo fa. Go fedile. E no e dumela. Amene. Eba le tumelo go Modimo!

A le dumela seo? [Phuthego e re, “Amene.”—Mor.]

<sup>188</sup> A o a dumela, kgaetšedi, o tla fola go bothata bjoo bja mongetsane, o dutšego fao? A o dumela gore O tla go fodiša? Okhei. Nno se e belaele, gomme o ka ba le yona feela ge o e dumela.

<sup>189</sup> Monna yo a dutšego fa, a ntebeletše, o tlaišega ka bothata bja prosteite, go phafogeng mašego le dilo. A o a dumela, mohlomphegi? Go tla fela, ge o e dumela.

<sup>190</sup> Monna wa lekhalate šo o dutše godimo fa, o ntebeletše. O tlaišega ka go wa dihwahwa. Gape o nyaka kolobetšo ya Moya wo Mokgethwa. Emelela ka maoto a gago, mohlomphegi, amogela phodišo ya gago. Anke Modimo a go fe kolobetšo ya Moya wo Mokgethwa. Amene.

<sup>191</sup> Go duleng thwi go kgabaganya go tloga go wena, go ne ngwana a dutšego godimo fale, yoo gape a nago le go wa dihwahwa, mokgwa wa go idibala, a dutše ntle fale, godimo ka lehlakoreng le lengwe. A o a dumela gore Modimo o tla fodiša ngwana, fao? A o dumela ka pelo ya gago yohle? Gona Modimo o tla fodiša ngwana.

<sup>192</sup> A le a dumela, yo mongwe le yo mongwe wa lena? [Phuthego e re, "Amene."—Mor.] A ga—a ga A, a ga se Yena ka therešo Peu ya Bogoši ya Abraham? ["Amene."] A ga se Yena Mofenyi yo maatla? ["Amene."] A O tshepišitše gore le ka hula dikgoro tša lenaba? ["Amene."]

<sup>193</sup> Ke ba bakae ba lena ba tlenngwego, le ikwelago kgatelelo ya lenaba? Phagamišang diatla tša lena, bao le ikwelago kgatelelo ya lenaba. Gomme o Peu ya Abraham, phagamiša diatla tša gago ka mokgwa wo. E re, "Ngwanešu Branham, ke tshwenywa ke letšhogo." Oo, go ne e ka ba diphesente tše masomeseswai tša lena ka seo. E re, ke . . . Go no ba go go koto bjale, lešaba ka moka le ba boka lebebe le legolo bogolo, le nyakile le mphoufatša, ntle fale moo le lego.

<sup>194</sup> A le a bona, gore fa masomepedi goba masometharo, mohlomongwe, ditiragalo, goba bontši, thwi fa mo sefaleng se le ntle go batheeletši, gore Modimo ga a šitwe? Ke Jesu Kriste yo a swanago maabane, lehono, le ka gosafelego. A le dumela seo? [Phuthego e re, "Amene."—Mor.] Gona gobaneng aowa, Peu ye nngwe le ye nngwe ya Abraham, gobaneng o sa tše sekgonyo bjale? Mofenyi yo mogolo, yoo a go fenyeditšego, o fa. O netefaditše go ba fa. A le a Mo dumela? ["Amene."]

<sup>195</sup> Gona tšeа sekgonyo sa gago sa tumelo, obeletša ka diatla tša gago, gomme o re, "Jesu Kriste, ke dumela bakeng sa pholo ya ka, gonabjale." Emelela ka maoto a gago. Phagamiša diatla tša gago, kgonyolla tumelo ya gago. "Ke a dumela, Morena Jesu. Ke a dumela gonabjale."

<sup>196</sup> Bjale beanang diatla lena seng. Beanang diatla go kgabaganya lena seng, Peu ye nngwe ya Abraham. Bjale rapelela motho yoo. Bea diatla godimo ga bona. Jesu o rile, "Maswao a a tla latela bona ba ba dumelago. Ge ba Bea diatla tša bona godimo ga balwetši, ba tla fola."

<sup>197</sup> Sathane, o lahlegetšwe ke ntwa. Leineng la Jesu Kriste, etšwa fa, gomme tlogela batho ba, bakeng sa letago la Modimo.



*MOPATRIAKA ABRAHAM* NST64-0207  
(The Patriarch Abraham)

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Feberware 7, 1964, ka Kern County Fairgrounds ka Bakersfield, California, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)